

識破塵勞苦樂清閑恣情歌舞有似孤雲來又去沒牽纏得
逍遙內自補 日夜調龍虎時時姤嬰相聚養就神珠空裏吐
放光明現元初相貌主

玉堂春

閑論修持修持非草草猛捨家緣方求大道滅盡無明如軻能
養浩肯逐人情似桔槔 鷺食鶉居自然無煩惱垢面蓬頭心
田頻掃金木相生就中成至寶便覺靈光出一毫

踏雲行 三十首

贈曹仙甘仙張仙同居煙霞洞

兩縣三仙一心同處遞相傳授玄玄語水雲溪畔樂逍遙煙霞

道藏輯要

漸悟集

六

胃集七
川川

洞裏忘思慮 鍊汞烹鉛調龍引虎靜中結正三田主功成跨
鶴去朝元大羅天上爲仙侶

又

自在閑人逍遙烈士清貧快樂忘塵事風前月下撫心琴龍吟
虎嘯來參侍 或隱山林或居鄽市勸人回首頭頭是塵中誘
化結良緣雲朋霞友應翹俟

贈呂守真

此箇姑姑謫仙姓呂肯來販骨爲商旅蓬頭垢面道家風雲朋
霞友非凡侶 莫騁容儀一團臭腐恩情劈碎非斤斧心灰念
斷樂逍遙大羅天上居仙府